

後書縣志

第一冊

卷首

序文

凡例

總目

卷一

天象


卷二

古蹟

姓氏

諸圖

地輿



乾隆癸丑刊成

永壽縣志

新刊

古函官署藏板

永壽縣新志序

丙午秋七月余仰膺

簡命作令南幽既下車吏掾循例以縣志進余展卷時之

慨然慕張大尹之爲賢有司厥功甚偉惜其書猶存

而不備襍而不醇也當是時

皇朝寶祚方新明季遺黎甫輯張志所論述太率扶衰拯

弊之意居多今

國家重熙累洽

聖

聖相傳

被潤澤而大豐美者一百四十餘年永壽故秦西片壤

而

聲教暨訖天下一家烈山漠谷之間嗚嗚于于罔不近

天光順

帝則焉余竊欲掎掖舊聞釐爲新志鋪鴻藻申景鏢以尊

揚我

太清功德之入人者深而紀實擣華稍殫儒術迂踈之效

豈不休歟顧以簿書郵傳風塵鞅學弗暇從事編摩

未嘗不嘆仕優則學之非易易事矣王丈平庵爲方

倉世胄壯遊關輔嚮

畢制軍秋帆公撫秦時會延修各縣志書若廓若蓋

屋若藍田皆出其手具才學識三長卓然成一家之

天順庚辰民...

田海...

言足與宋次道康對山諸君子禺峙余昨歲于役乾陵遷於

三刺史念庵公座上刺史亟以志事屬焉廼招致縣署晨夕商榷間以已見質疑猥承許可閱二載餘而後書成兼綜條貫疏通證明一改從前之偏襍是真可謂備且醇者已余愧不文幸半庵秉良史裁爲吾永壽增色且俾世之覽新志者知摛華所以紀實

聖朝功德普覃雖區區片壤沐膏咏勤無異通都大邑而余以江介書備獲與幽腋蚩氓熙熙然並享

太平之福其鑿軒鼓舞當何如哉是爲序

乾隆五十六年歲次辛亥秋八月上澣永壽縣知縣

永壽縣新志序

元和蔣基亦堂氏謹撰

縣不難於志而難於真志不難於修而難於確蓋志以傳信非以傳疑猶之史然苟非中正和平識才兼備不攻耳筆以從事以左邱明之賢昌黎尚議其浮夸江淹謂修史之難無出於志鄭樵謂志乃憲章所係必老於典故然後能爲此可見修志與修史同難未可苟焉以行之也更有難者莫難於滄桑遞易之後按永壽古豳地也讀豳風七月之什何其力穡赴公敦禮尚義豐亨裕足而民氣和樂乎漢唐而下猶不失爲先民遺風迨明末寇氛充斥殘燬不下數十年所在皆哀鴻之感黃鳥之悲屈我

永壽縣志舊序

朝龍興定鼎嘉惠元元然草創初定諸如郊原蕪萊已非昔日之疆域雉堞傾頽已非昔日之城池里甲逃亡已非昔日之戶口莽榛遍野已非昔日之物產醇龐漸漓已非昔日之習俗古蹟替凌已非昔日之建置此在留心地方者足迹遍歷耳目周知必實載其疆域非昔矣然後知當如何又安城池非昔矣然後知當如何築鑿戶口非昔矣然後知當如何撫綏物產非昔矣然後知當如何孳息習俗非昔矣然後知當如何教化建置非昔矣然後知當如何營繕唯如此不任耳食不落聲響此不特宰是邑者綠志警心緣心出政以思潔已而寡過以圖起敝而扶衰卽上

之
職方獻之

當寧亦莫不因志中之圖書憫地方之凋瘵而思所以
生聚教訓之矣是志者非徒志一縣之事乃立政治
民之大本也茲讀永之舊志有昔之所有今之所無
者而仍揚厲之有昔之所舉今之所廢者而仍鋪張
之卽如舊城久廢予正倡捐築造尙繪圖整齊名曰
五里之城卽如布帛蔬菜馬匹驢頭杳無一有尙載
於物產貨類之下卽如鎮市僅存監軍莊稍有人煙
其蒿店常寧店頭平窪底密等處俱久已廢壞尙紀
而載之居然六鎮之時卽如平窪黑石可鑄爲鐵初
不過野老傳聞猶然紀之以爲實事諸如此類難以
枚舉甚非所以爲傳信之志也邑中諸紳士趙運熙
白成彩等蹙然議之因謀諸余而共較正焉余曰善
哉此舉正求真求確之意也太史公足迹遍天下始
成史記言其涉歷之到耳余見聞所及可以贊一詞
余見聞所不及公等其言之如果出於中正和平則
不妨斟酌損益之諸紳士唯唯而退不越旬而告成
於余予覽之不覺憮然曰此則永壽傳信之志也可
以感發人心可以興起善政矣可以上之

職方可以獻之

當寧矣其敬梓之母忽

康熙歲在戊申秋孟知永壽縣事南州張焜西屏氏
題於廣壽公舍中



永壽縣圖書館

三

題於廣壽公舍中

康熙歲在戊申秋孟知永壽縣事南州張焜西屏氏

重修永壽縣志姓氏

承修

永壽縣知縣蔣基

編輯

江蘇鎮洋縣貢生王開沃

參閱

前永壽縣儒學訓導張培

永壽縣儒學訓導張述浚

校刊

吏目借補永壽縣典史吳士麟

採訪

均係邑人

永壽縣新志姓氏

拔

貢

生張玉梁

歲

貢

生來秩

廩

生王大用

張中矩

生

員白璧

李春舉

李騫克剛

騫守信

蔡宗儒

都克洽

周自振

武

生王 偉

胡善義

長孫步雲

周大用

監

生劉自有

李元培

趙 魏

長孫希神

孫 剛



永濟縣新志姓氏

二



永壽縣新志凡例

一志書排纂門類前後次第有條不紊非可臆斷錯陳也是志門類一十有四曰天象曰地輿曰古蹟曰建置曰風俗曰土產曰賦役曰祀典曰職官曰選舉曰人物曰藝文曰別錄曰補遺蓋本天親上本地親下天尊地卑而乾坤定故天象首志地輿次之伊古初肇紛綸蔚蕤七十二君之蹟其詳不可得聞履斯地者輒先僂指故古蹟次之某都某邑創於何年因於何代古與今同不同未可知按厥蹟而修舉廢墜之端咸具故建置次之王制量地制邑度地居民民生其間者剛柔輕重遲速異齊是貴修其教齊其政故風俗次之司風化之權者必辨土宜之濇蕃鳥獸毓草木稼穡樹藝民可使富故土產次之有人此有土有土此有財有財此有用稽其人民經其土地令貢賦而起徒役故賦役次之聖王先成民而後致力於神撫茲惟正之供薦以惟馨之德祭則受福匪獨春祈秋報爲然故祀典次之幽則有鬼神明則有禮樂治幽治明事殊而理一設官分職惟王以爲民極故職官次之樹后王君公承以大夫師長民乃從又野處不匿其秀民之能爲士者升諸司徒司馬故選舉次之人受天地之中以生天不擇地而生人罔區

貴賤曷分男女旁遠百家九流彌足重此邦之望興

來葉之思故人物次之力行本也學文末也無關掌
故徒炫詞章大雅弗尙徵文以數典左右史之記言
動者如斯故藝文次之事賦非常聿有變文之義辭
懲挂漏毋嫌複載之煩參以別錄綴以補遺志於是
粲然大備矣

一前輩立言必有所本衛湜嘗云人之著書惟恐不出
於已吾之著書惟恐不出於人其不苟作如此矧志
乘備一方掌故綴述尤難而或者直據胸臆漫無據
依將何以信今而傳後乎是編體製悉倣樂子正太
平寰宇記宋次道長安志高續古剡錄每綴一辭述
一事皆注明出自某書雖伐山不周取材多缺要不
敢憑虛杜撰遺誤來茲

永嘉縣新志九例

二

一嘗見鄭康成註周禮韋宏嗣註國語純采先儒之說
末乃參以己見令讀者可以考得失而審異同此例
尤足法也今雖摭摭舊聞而義有未盡則於本條之
後附加按語以別原書差不失鄭韋遺意

一 是書總目凡十有四而以類相屬復分細目八十有
二如首卷屬天象類者二屬地輿類者五雖或多或
寡其數不能強齊而勿漏勿支其事不可增減史家
裁制略見於斯餘九卷皆倣此

一 保章分野之說學者疑信參半惟洪景盧力詆其謬
然內外傳梓慎禘竈諸占單公董因之對可盡廢乎

古云辨方既異觀象亦殊茲獨取前史所載休徵外
應之顯著於此邑者節錄數條一切公家言畧不贅
入

一凡山川古蹟建置以今縣地爲准首揭其處所次覈
其里數方位既定然後接證羣書故近代邑志多有
列於經史之前者蓋義取分明無嫌倒置也

一風俗土產本相繫屬曩閱秦中諸志或列風俗於學

校西安府志或附土產於田賦盩厔縣志或偏而弗舉鄠縣志

風俗無或後其所先乾州志風俗俗爲例不純其失均

土產在物產後也今從張志而稍廣其條於聯綴中仍加分疏事必

該乎今昔物必課其有無王新城所謂里社羹瓢俱

永壽縣新志凡例

三

成典故岩溪魚鳥自來親人不待披七月之圖而南

幽風土盡在目前矣

一據通志凡事涉制度典故通行遵奉者不書惟祀典

例得備載然亦具有等差如

文廟關廟在

京師爲中祀羣祀而此志皆目爲崇祠良以大祀非郡邑

所有如圍丘方澤之屬而春秋致愍莫重於二廟故也又如

中祀之先蠶羣祀之先醫各縣俱無初非獨缺自餘

悉遵會典

一史記立酷吏傳後世作史者因之然張湯杜周之酷

不以子孫之貴盛而未減其旅進旅退者固無庸一

一繩之也志異於史勸多於懲如必索垢求瑕翻成
曲筆矣永邑舊志令長以下略無貶辭嗣後典籍
亡官師莫考今所錄者率據乾隆己巳以來縣冊首
標姓氏次及籍貫出身其事蹟不少概見未敢以意
爲軒輊也至於人物寥落極意蒐羅恐其湮沒蓋
善欲長古道本如是耳

一釋老立傳始於魏收晉隋唐諸書統名藝術方技至
前明州縣諸志多附人物之末張西屏永志亦以仙
釋標其自然綴碧峰於人物而無名道士別見藝文
未免自亂其例矣今稍爲更定復於傳記中採錄數
人以補其缺蓋方外元蹤緇黃異趣正不必倣息諍
之論繪同源之圖混二氏而爲一也

一漢書藝文志止載篇目宋范文穆吳郡志網羅一方
之文彙而存之亦謂古今詳略固各有其宜耳方志
多附於山川古蹟之下雖曰辭以事麗而藝文之目
或幾乎廢矣茲於唐宋以來各體詩文悉載全首合
爲一卷循范氏之例也惟是永邑風氣淳樸文采減
於他縣故凡所編次得之遊宦者爲多張西屏著述
尤富今亦不無去取蓋棄其瑕正所以護其瑜也如
云妄下雌黃則吾豈敢

一劉子政著別錄隋史謂其詞別條流追尋事迹亦則
古之制也今借其題以代大事錄史之目蓋諸志以

災祥爲大事

西安府志

以軍旅爲錄史

洵陽縣志

敬輕敬重未

足兼該似不若用此二字之渾其實述異紀兵不避人云亦云耳雜記則諸志多有然郢書燕說適足亂聞見之真故改爲補遺第就各卷中所闕佚者連類及之無稽之言槩置弗錄

一志以簡覈爲得體故康德涵武功志最稱於世然元臣進宋史表云辭之繁簡以事文之今古以時則又非一律可拘矣昔張杞圍作杞紀十八卷於文獻無徵之後引書猶二百餘種讀者稱其體大思精永壽故幽國其流風餘韻何遽不淳乎若而爲之志者顧不能恢宏舊製式煥新裁惟斤斤焉以對山成例爲法是何異上車不落而希制作者也是編上自六籍旁及子史百家與夫碑版案牘之稍有關於邑事者莫不兼收並採惟恐或遺縱未若杞紀之詳亦不屑規撫武功自失故步

一卷中所引舊志係前明侯令加乘及

國初李令如瑾所撰張志卽康熙戊申張令焜所修遠者

距今一二百年近者亦越百數年時異而勢不同闕有取資難以盡據是以今所編摩雖因實創凡再閱寒暑而後成所謂因者易爲力創者難爲功也若夫徵今憲古重事增華又有待於後之君子


永壽縣

志圖一

永壽縣新志圖

分野圖

井宿 八星橫列河中
 靜一星名鉞井邊安兩
 河各三南北正天罇三
 星井上頭罇上橫列五
 諸侯侯上北河西積水
 微寬積藉東畔是鉞下
 四星名水府水位東邊
 四星序四瀆橫列南河
 裏南河下頭是軍市中
 有一箇野鷄精孫子丈
 人市下列各位兩星從
 東設關邱兩星南河東
 左邊九箇彎弧弓一矢
 直射頑狼胸有箇老人
 南極中春秋出入壽無



鬼宿 四星冊方似
水櫃中央白者積屍
氣窳上四星是確位
天狗七星鬼下是外
厨六間柳星次天社
六星弧東倚社東一
星名天紀



天紀

天紀

天紀

郡邑有志志其地天象不具詳顧在天成象在地成
形地之所載莫非天之所覆張志二圖首列分野其
說云按禹貢雍州之域天文井鬼班固漢志曰秦爲
井鬼之分永壽距省二百五十里井鬼正其分野星
也今仍之益附步天歌於頁首偏隅黑子詎足以駭
全雍而舉偏見全垂象靡遺縱窺管而弗譏坐井矣
爲分野圖一

西北至知列
拜家溝壘
十五里

沙坡河

正西至麟
游藏溝坎
界內里

上里
城三十
里

敬村寨 留得寨 留村堡并
堡頭七 堡頭七 堡頭七
十里 十里 十里

好水河

好水橋
堡頭八 明月山 好水寨 好水寨
十里 十里 十里 十里

好水唐頭
鎮頭九

西至高坊
縣橋子口界
一百里

西至扶風
縣界
二百十里

永壽縣新志圖

西

四

張志無疆域圖茲修新志初擬據陝西通志繪圖會
署令趙君希璜熟精句股法計里規方每方為十里
勒成永境全圖蓋攷其分率準望道里高下方邪迂
直所謂東西為緯南北為經邱陵為牡川谷為牝者
披一幅而五里地形較若眉列登降詭曲之因可舉
而定視通志彌審迺互參以補張志所遺焉為疆域

圖二


永壽縣

志圖三


縣治圖

永壽縣新志圖

五



屬壇



水壽縣新志圖

張志有康熙八年新造城池圖其說云明末舊城盡
 圯縣治權移南堡邑令張君焜倡率捐修維時板築
 方興基局粗就迄今百餘年來凡門管建營館垣汜
 埽神寮黝堊官廨奐輪與夫列市比閭日益輻湊卽
 聖朝林總攘熙之象於是乎徵永雖褊小因舊貫創新模
 儼然地邑民居之參相得也爲縣治圖三

永壽縣新志總目

卷一

天象

地輿

卷二

古蹟

卷三

建置

卷四

風俗

土產

卷五

賦役

祀典

卷六

職官

選舉

卷七

人物

卷八

藝文

卷九



別錄

卷十

補遺



永壽縣新志總目

補遺

卷十

別錄

天象

分野

徵應

地輿

沿革

疆域

形勝

山川

水利



永壽縣新志卷一

木植

山机

沃壤

藝苑

雜草

獸典

禽類

食糧

天象

知縣蔣基重修

天象類 分野 徵應

分野

史記天官書東井輿鬼為雍州之分

漢書地理志自井十度至柳三度謂之鶉首之次

按長安志引漢書地理志云自東井十六度至柳八

度為鶉首蓋以律歷志參之

春秋文耀鉤雍州屬鬼星

廣雅北斗樞為雍州

徵應

後漢書以下所引史書數條俱合帝紀及五行志建武七年秋九月土入鬼

中八年夏四月帝自將征隗囂至漆漆今永壽縣

晉書惠帝元康五年四月有星孛於大陵占曰大陵有

積尸六年八月秦雍氏羗齊萬年反遣威將軍周處等

討之梁王彤屯好時在縣西南逼處與賊戰於梁山敗績死

之時賊屯梁山在縣南八十里

唐書天寶十四載春二月熒惑太白鬪於井鬼間十二

月月食歲星在東井占曰其國亡十一月安祿山反十

五載六月賊陷潼關帝出奔蜀太子之朔方丁酉次永

壽縣

明史莊烈帝崇禎七年五月木星犯鬼宿積尸氣八月

流賊破永壽縣八年大帥曹文詔艾萬年等戰沒賊勢益張關中郡縣多殘破八月復陷永壽及同官

按永壽小縣僅足當全秦百分之一而星緯變於上兵戎應於下其不爽有如此者孰謂彈丸黑子無關垂象乎哉

地輿類

沿革

疆域

形勝

山川

水利

沿革

古幽國地

詩大雅篤公劉幽居允荒又云于幽斯館

爾譜幽者后稷之曾孫公劉自部出徙戎狄之地名

爾雅釋地西至於幽國謂之西極

永壽縣新志卷一

國語周語祭公謀父曰我先君不窋用失其官而自竄

於戎狄之間韋昭注不窋去夏而遷於幽幽西接戎北

近狄也

列子湯問篇夏草曰朕西行至邠人民猶是以是知四

極之不異

按說文幽邠二字並收幽注云美陽亭卽幽也邠注

云周太王國在右扶風元和郡縣志云開元十三年

以幽與幽字相涉詔曰魯魚變文判并誤聽欲求辨

惑必也正名改爲邠字唐會要云開元十三年二月

二十二日改幽字爲邠自唐以後皆作邠

太平寰宇記邠古西戎之地本周公劉所居

按篤公劉第五章云既溥既長鄭箋云公劉居邠既廣其地之東西又長其南北以今疆域考之跨有寧

邠耀同官三水淳化數州縣之地詩正義幽國不過百里之說非是

不獨永壽一邑也然唐杜佑以永壽為南幽明文翔

鳳以永壽為西幽而宋敏求長安志

大清一統志陝西資政錄縉紳錄縣舊志統名永壽為古

幽蓋此邑雖非幽國之全實居幽土之腋九谷考云永壽幽之

腋原造邦作邑之始者孰得而遺之哉

禹貢雍州之域

爾雅釋地河西曰雍州李巡注其氣蔽塞故曰雍

藝文類聚雍州西北之位陽所不及陰氣壅遏故取名

焉太平御覽同

劉熙釋名雍翳也四山之所壅翳也

周屬秦

漢書地理志古秦地詩風兼秦幽兩國

元和郡縣志邠自周東遷其地入秦

秦為內史地

漢書百官表內史周官秦因之掌治京師顏師古注秦

改立郡縣而京畿所統特號內史言其在內所以別於

諸郡守

漢為右扶風漆縣地

史記周勃傳漢王元年周勃出女漆正義云幽州新平

縣古漆縣

後漢書注漆在今邠州新平縣地

元和郡縣志新平本漢漆縣屬右扶風

路史漢漆縣今乾州之永壽縣

尋置好時縣東漢因之

見舊志

漢書地理志好時峽山在東梁山宮秦始皇起

按好時縣自漢晉以迄宋金代有廢置水經注云莫

水東有好時縣故城王莽之好邑也通典云好時本

漢縣故城在今縣南十三里元和郡縣志云好時縣

東十三里有漢好時故城太平寰宇記云漢好時故

城在奉天縣東北七里岑陽鄉唐好時故城在縣西

永壽縣新志卷一

北六里隋太子莊陵城是又云漢好時舊縣在今好

時縣東南四十三里奉天縣界好時故城是明一統

志雍勝略並云好時在乾州東七里陝西通志云好

時在乾州乾州志云州東十里有好時村歷觀諸書

皆指乾州而不指永壽其說似乎有徵然余更考之

漢陸賈家於好時而今永壽有陸賈墓後魏扶風治

好時而今永壽有扶風舊城隋改後魏之漢西縣爲

上宜縣唐又改隋之上宜爲好時縣北宋因之而今

永壽有好時故里又金史地理志好時縣有武亭河

而武亭河在今永壽縣西一里其相傳正非無據矣

總之南遷北徙治所靡常此界彼疆犬牙相錯猶夫

漢谷梁山有不嫌兩地並見者姑仍舊志用示闕疑
魏晉爲新平郡地

魏略季偉爲新平太守

晉書地理志新平郡屬雍州統縣二

元和郡縣志後漢置新平郡姚萇之亂此地郡縣並無
理所

太平寰宇記晉武帝分漆縣置幽邑縣苻秦時改漆取
郡名爲新平縣姚萇亂後廢

通鑑注晉分扶風置新平郡

按後漢書獻帝紀云興平元年分安定扶風爲新平

郡袁山松書興平元年分安定鶉觚右扶風之漆置

新平縣新志卷一

五

新平郡魏晉並因之後魏屬涇州領縣四郡境廣袤

千有餘里永壽祇東南一角耳

後魏爲廣壽縣

太平寰宇記永壽縣後魏大統十四年於今縣北廣壽

原上置廣壽縣

雍勝略漢漆縣地後魏置廣壽縣

後周曰永壽縣

太平寰宇記後魏廣壽縣後周大象元年改爲永壽縣

陝西通志後周新平郡領永壽縣

舊志後周永壽縣卽今永壽縣

隋省

太平寰宇記後周永壽縣開皇三年省入新平隋書地理志開皇四年改白土縣爲新平縣

按隋書地理志新平爲北地郡屬縣本西魏之邠州大業初州廢

唐復置隸邠州

舊唐書地理志武德二年分新平置神龍三年改屬雍

州景龍元年復屬邠州

新唐書地理志永壽爲上縣

元和郡縣志武德二年分新平縣南界於縣理北三十里永壽原西置永壽縣貞觀二年移於邠州東南興元二年又移於順政店

永壽縣新志卷一

太平寰宇記武德四年移於義豐

長安志唐光宅元年舊唐書作文明元年析邠州之永壽置奉天

縣乾寧二年以縣置乾州永壽屬焉後復隸邠州

後唐屬京兆府

太平寰宇記唐乾寧中割永壽屬威勝軍後唐同光中

改屬京兆府

宋屬醴州

宋史地理志醴州本京兆府奉天縣舊置乾州長安志乾德二

年析邠州之永壽隸乾州熙寧五年長安志作三年廢以奉天還隸府政和

七年復以縣爲州更名醴縣五永壽爲下乾德三年省

邠州來隸熙寧中廢乾州永壽及麻亭常寧二砦俱隸

邠州政和八年復來隸

金屬邠州

金史地理志邠州永壽縣宋屬醴州

文獻通考金邠州永壽諸縣隸陝西慶原路

續文獻通考永壽縣金屬邠州

元屬乾州

元史地理志永壽宋金屬邠州至元十五年徙縣治於

麻亭元至元十五年陝西通志作二年似誤

元單鵠學記今隸乾州

明屬西安府

續文獻通考元屬乾州明因之

永壽縣志卷一

七

方輿紀要明西安領三十一縣永壽其一也

本朝初屬西安府尋屬乾州

陝西通志永壽縣明隸西安府乾州

國初因之雍正三年升乾州爲直隸州永壽仍屬焉

大清會典永壽縣衝簡缺

郡縣釋名永壽唐縣名武德二年於永壽原西置永壽

縣因原爲名

疆域

陝西資政錄在乾州北九十里舊志距西安府城西北二百五十里距乾州城

北九里東至大派村醴泉縣界八十里舊志東南至醴泉縣界五十里西

至楊家村麟遊縣界三十里舊志西至麟遊縣界三十里南至乾州

界四十五里舊志南至乾州界五十里北至邠州界三十五里舊志西北

至邠州界東南至東五式村醴泉縣界九十里西南至

明月山乾州扶風縣二界八十里舊志西南至扶風縣界八十里東北

至邠州七十里西北至邠州界三十里舊志西北至邠州界四十里東北至淳化縣界八十里舊志西北至邠州界五十里北

縣冊東至淳化縣界八十里至淳化縣城一百四十里

西至麟遊縣沙坡界四十里至麟遊縣城一百一十里

南至乾州吳店村界五十里至乾州城九十里北至邠

州太峪鎮界四十里至邠州城七十里東南至醴泉縣

南坊村界九十里至醴泉縣城一百五十里舊縣至醴泉縣治九

十五里新縣至醴泉縣治一百三十里東北至三水縣界七十里至三水

縣城一百四十里西南至武功縣橋子口界一百里至

武功縣城一百三十里西北至邠州拜家河界三十里

至邠州城七十里

形勝

西安府志東環涇水西接麟遊

舊志東接涇水南抵乾陵西界麟遊北倚古豳東西諸

澗流水深長南北二壑峻岷重環山川險固地勢崔嵬

山川

梁山

舊志在縣南八十里

乾州志在州北十里高三百七十四丈

魏書地形志漢西縣有梁山漢西在好時境

括地志梁山在好時縣西北十八里

地理通釋梁山在京兆府奉天縣北五里

按梁山距乾州爲近去永壽差遠以其跨據兩界故

州志縣志皆有之亦猶元和郡縣志咸長蓋廓並載

終南也如後五峯山互見乾醴此類甚多未可枚舉

五峯山

陝西通志在永壽縣東南八十里舊志作五十里卽溫秀山一

名三陽山南界乾州東界醴泉發脈於分水嶺連延七

十里陡起五峯爲九嶷昭陵之祖脉山下有三女冢或

傳爲邑田氏三貞之墓未詳山上寺內有寶泉早禱則

應

太平寰宇記永壽有溫修山一名溫秀山

長安志溫宿嶺漢時溫宿國人令居此田牧因以爲名

隋書地理志作溫秀亦見醴泉

按古文宿皆作羞或作速禮記作肅周禮肅亦作宿

蓋肅與宿通宿又與羞通而今人呼修秀又與羞音

相近此溫秀山之所以作修又作宿耳當從隋志爲

正

武陵山

縣圖在城外西南昔在城

舊志山有武陵寺北魏平陽王熙建上有浮圖

分水嶺

舊志在縣北十里下有泉分流南北故名其南泉即呂

公渠之源

南流為泔河北流為太峪河詳後二河條其云南泉即呂公渠源說見藝文類郭邦基記

按關中分水嶺有二其一東西分流在漢中府略陽

縣境唐白居易元稹李商隱溫庭筠題詠者皆是也

其一南北分流在乾州永壽縣北吳融詩所云南隨

去馬北逐征人伍彬詩所云不改古今色平分南北

流卽指此也名同易混不可不知

高泉山

元和郡縣志在縣北二十五里亦曰甘泉山

金史地理志永壽有高泉山

永壽縣志卷一

太平寰宇記在縣北莫谷水出此

按高泉山卽麻亭嶺在縣北二十里莫谷水所出也

舊志缺

永壽原

縣圖在縣西北

舊志缺

太平寰宇記本名廣壽原隋避煬帝諱改今名

陝西通志後魏廣壽縣以此得名

天堂山

舊志在縣西北十里有石洞如堂

盤道山

陝西通志在永壽縣西五里以徑路盤曲名

石牛山

舊志在縣西十里有石牛神廟

明月山

雍勝略在縣西南八十里夜望之如月

峻山

雍勝略在縣西南九十里

按長安志峻山亦見乾州漢書顏師古注峻音邱毀反

烈山

雍勝略在縣東南三里有烈山祠

灰塍山

舊志在縣東三十里

永壽縣新志卷一

七

按劉昭注郡國志引皇覽云漆縣有師曠山太平御

覽云師曠冢在右扶風漢漆縣屬右扶風名曰師曠山今諸

志無此山及冢或疑卽邠之司空山姑附此以俟考

莫谷水

陝西通志在永壽縣西北二里一名沐浴泉西流八十

里入乾州之夾道河又至武功縣爲遊鳳河其水常溫

宜沐浴故名張志縣西一里有溫泉冬不凝冰撰諸此泉其水常溫意疑卽一水故登此佚彼

水經注茨水出梁山大嶺泉南逕梁山官

按茨本作莫茨莫形近傳寫致譌夾又因茨而誤也

或又作漠

太平寰宇記莫谷水源出高泉山在乾州西北自永壽

縣麻亭嶺流逕好時本名安陽泉流逕莫谷故名後魏
於水西置縣因名漢西漢西在乾州西

乾州志莫谷河源出永壽縣逕州西南三十里入武功
縣界合渭亦名武水

錦川河

明史地理志永壽西南有錦川河下流爲漢谷水

縣冊在縣西南六十里一名砂凹河流五十里入於乾
州之龍塘合莫谷水

舊志在好時鎮東多錦文故名

陝西通志錦川水源出麟遊縣逕永壽縣西南合於安
陽水

按錦川河卽砂凹河也俗名好時河張志分而爲二
恐非

泔河

陝西通志在縣東一里一名東河自分水嶺東南流九
十里入乾州界

乾州志甘谷河源出永壽縣界逕州東北四十里入醴
泉縣界合涇

按東河卽石泉水從石穴中出通志泔河石泉分作
二水似誤今從張志

指盤河

陝西通志在永壽縣東南四十里彭村里山勢迴旋其

水不涸不溢

舊志泉內有吼聲則風有礮聲則雨

太峪河

縣冊在縣北十里源出分水嶺東北流入邠州界

張志缺

邠州志太峪河亦曰公主川姜慶尙新平公主賜第於

此故名出乾州永壽縣界東北流逕邠州東南又東北

入於涇唐書諸公圭列傳元宗女新平公主常才人所生幼知敏習知圖訓帝賢之下嫁姜慶初州志

大落初字誤也

焦家河

縣冊在縣東北六十里

驀家河

縣冊在縣東南八十里

庵頭溝水

舊志在縣東五十里

大乘溝

陝西通志在永壽縣東北四十五里永壽坊

聖母溝

陝西通志在永壽縣東北五十里其水北流入於涇

麻子溝

陝西通志在永壽縣南十五里古多漚麻於此一作麻

池溝

武亭河

舊志在縣西一里產上水石

陝西資政錄永壽縣西武亭河源出城西北麻亭嶺南
流至乾州遂入渭河

長安志武亭水自好畤縣來合渭水

靈泉

陝西通志在永壽縣北七里遇旱其上有霧卽雨

瀑布泉

舊志在縣西南十八里祁家坡飛流直下產婦汲之則

水縮襪祭之乃復出

醴泉

舊志在縣東南三十五里彭村里久旱聞泉中吼聲則

雨以穢物投之水卽滲入土中待穢盡乃復出人呼神

泉

平泉

舊志在縣東北二十里平地湧出味甘久旱不涸

漆泉

陝西通志在永壽縣北四十五里其色如漆

甘井

舊志在縣西南二十五里夾合槽水

美井

舊志在縣南四十里

水利

陝西資政錄在永壽縣北五里源出分水嶺有三泉匯為一亦謂之呂公惠民泉金太和中主簿邢珣元延祐中處士白用重修後漸堙廢

本朝康熙九年知縣張焜修復嗣以地震瓦溝壓裂雍正十年知乾州王以觀知縣黃中銓又修治之

陝西通志永壽縣乏井泉宋呂大防為令行近境得泉二欲導之入城而地勢高下不一乃用考工置臬法準之不旬日間疏為渠

賈志即賈中丞漢復所修陝西通志元至大二年邑人白用開行至北

郭五里許俯瞰流泉汨汨而南乃以挿掘地得導水瓦溝引流直達城內民利賴之

縣冊乾隆四十一年署知縣鄭居中聚工重修立碑於北門口題曰餘澤渠有碑記其事

益民泉

陝西通志益民泉在永壽縣西北三里舊流入街市居民便之今廢

好時河

縣冊在縣西南好留里一名砂凹河其源出麟遊縣月

原莊至縣屬水蘭山麓水蘭山約在縣西北境距城里數無考新舊志均未載又過

安頭杜家堡樊家堡解家堡吳家堡王家街高崖頭楊

水灣等村莊計長二十餘里逾武功縣境入渭河灘寬

四五丈至十餘丈不等河水寬六七尺至一二丈深一尺餘至五六尺不等河東舊有渠三道一爲趙家渠係縣民趙姓闢戶於

國朝雍正三年十月間開濬寬四五六七尺深三四五六尺不等長一百八十丈溉田一頃六十畝一爲西渠係縣民解李趙等衆姓於乾隆十一年正月間開濬寬三四五六尺深二三四五尺不等長一百五十一丈溉田九十畝一爲解家渠係縣民解良策於乾隆十一年二月間開濬寬三尺深三四五尺不等長二百八十丈溉田五十畝河西舊有渠三道一爲李家渠係縣民李有春於乾隆九年二月間開濬寬二三尺深一二三尺不等長一百四十丈溉田八畝一爲樊家渠係縣民樊作欽於乾隆十年二月間開濬寬五尺深二三四尺不等長四百一十丈溉田五十畝一爲王家渠係縣民王偏子於乾隆十一年二月間開濬寬二尺餘深二三尺不等長一百八丈溉田二十畝又前令莊學申於乾隆十二年十月間勸令縣學生解鳴周及樊吳劉趙等衆姓於河東開濬新渠一道名解樊渠寬二尺深一丈四五尺長五百三十丈溉田三頃又於乾隆十三年二月間勸令縣學生杜芳於河東開濬新渠一道名杜渠寬二尺五寸深三尺長一百三十二丈溉田十畝合東西新

舊渠八道共溉田六頃八十八畝

按水利之興所以時蓄洩備旱澇也永壽故山國地分五等好留里多一等地者渠水之利使然矣

涇水

明史地理志永壽東有涇水

長安志涇水自乾州永壽縣東北流入醴泉縣界

按史稱始皇之初鄭國穿渠引涇水溉田沃野千里民賴其饒者二千年元祭酒李惟中行御史臺刻涇水爲圖集古今渠堰興壞廢置始末與其法禁修例田賦名數民庶利病合成一書信乎大有裨於治也然涇水所溉之地祇及涇陽高陵櫟陽雲陽三原富平醴泉而區區永壽竟不獲沾其餘潤者何歟昔人著涇渠總論嘗推言其故矣蓋涇水出安定郡峴頭山西自平涼界來逕邠州入乾州永壽界千有餘里皆在高地東至仲山谷口乃趨平壤於此始可鑿滄以溉七邑之田則自永壽以西斥鹵磽确未可以人力疏也後之留心水利者豈容冒昧從事哉

永壽縣新志卷二目

古蹟

宮殿

郊坰

故城

第宅

寺廟

陵墓

義冢附



永壽縣新志卷二目

園林

亭閣

碑碣

城隍

祠廟

宮殿

古蹟

永壽縣新志卷二

知縣蔣墓重修

古蹟類 宮殿 郊坰 故城 第宅 寺廟 陵墓

宮殿

秦梁山宮

舊志在縣南八十里秦始皇建

史記秦始皇本紀三十五年帝幸梁山宮 徐廣曰從山

上見丞相車騎衆

三秦記梁山宮城皆文石名織錦城

三輔舊事秦內外宮觀二百四十五而惟祈年長信梁

山三宮為最先

永壽縣新志卷二

奉元州縣圖志永壽有梁山宮秦時宮殿一百七十在

縣境者獨此而已 亦見乾州

按長安志有山桀宮疑卽梁山宮以梁桀字形相近

上而誤耳

軒轅殿

括地志好時有軒轅殿秦靈公作上時祭黃帝作下時

亦祀黃帝

陝西資政錄軒轅殿在永壽縣南五十里史稱黃帝遷

徙無常以兵壘為營衛之所或云秦時始建時郊似木

於此

郊坰

上古鷄間

晉書苻堅載記新平王彤上疏曰臣從京兆劉湛學明於圖記謂臣曰新平地古顛頊之虛里名曰鷄間

新平地 永壽

夏漆盧

路史夏漆國卽漢之漆縣在乾州之永壽漆者防風氏

之姓 姓一作墟

按容齋續筆云郡縣山川之古蹟朝代變更陵谷推

遷蓋已不可復識如堯山歷山所在多有之皆指爲

堯舜時事編之圖經會稽禹墓尙云居高山之巔至

於禹穴則強名一罅不能容指不知司馬子長若之

永壽縣志卷一

何可探也舜之蒲坂實今之河中所謂舜城者宜歷

世奉之惟謹考張芸叟河中五廢記云蒲之西門所

由而出者兩門之間卽舜城也廟居其中唐張宏靖

守蒲嘗修飾之至熙寧之初垣墉尙固曾不五年而

爲堦陶者盡矣舜城自是遂廢又河之中冷一洲島

名曰中渾所以限橋而不知其所起或云汾陽王所

爲以鐵爲基上有河伯祠水環四周喬木蔚然嘉祐

八年秋大水馮襄了無遺迹中渾自是遂廢顯顯若

此他可知矣東坡在鳳翔作凌虛臺記云嘗試登臺

而望其東則秦穆之祈年橐泉其南則漢武之長楊

五柞其北則隋之仁壽唐之九成也記其一時之盛

雄傑詭麗堅固而不可動然數世之後欲求其髣髴而破瓦頽垣無復存者謂物之廢興成毀皆不可得而知則區區泥於陳跡而必求其是蓋無此理也洪邁之說如此由是推之則鷄閣漆壤皆越在數千載以前其有無虛實又孰從而証之乎疑以傳疑不爲臆斷此古人撰述之法也必曲爲之辯則慎矣

漢種金坪

舊志在好時鎮西北漢婁敬種金處

驪山亦有種金原

故城

晉姚秦故城

杜氏通典姚興將齊難故城在縣西其南東北三面險

絕

後魏南幽故城

杜氏通典南幽城後魏末置在縣北其東西南三面險

絕

扶風故城

舊志右扶風城在縣南四十里今廢爲民田

按此非兩漢之右扶風也故秦內史漢武帝建元六年分爲右內史太初六年更爲右扶風而治於內史右地在渭橋石柱以北自魏文帝除右字爲扶風郡

晉永安元年移扶風於始平之文學城至後魏始移治好時今縣南扶風廢城是舊志妄增右字遂令人

疑爲漢郡治所有豪釐千里之謬

後周醴泉苑

〔元和郡縣志〕後周置醴泉苑在永壽縣東北十里

唐義豐舊里

〔太平寰宇記〕武德中移永壽縣理於義豐堤

順政舊理

〔元和郡縣志〕興元中移永壽縣理於順政店

好時舊縣

〔舊志〕好時本漢縣屬右扶風在舊縣東南四十三里好時故城是時者神明之所依止也以雍州積高神明之

輿故立時以祀上帝諸神

〔永壽縣新志卷二〕

四

〔張志〕好時在乾州東七里漢置後周省或非今之好時也俟再考

按元和郡縣志云漢好時舊縣在今好時縣理東南十三里太平寰宇記作四十里二說不同未可偏信惟長安志云好時唐畿縣東南至京兆府一百八十里今以永壽疆域考之新治至西安府二百五十里而舊治至府二百二十餘里較近二十餘里至唐好時縣四十三里所謂好時鎮者亦在舊治西南四十餘里至西安一百八十里與唐故城處所雅合舊志旣誤以好時里爲漢舊治張志又不能辨其爲唐故

城胥失之矣

上宜舊縣

張志縣境舊有上宜里以唐縣得名今與彭村合并名曰上彭

隋書地理志上宜舊有漠西縣

陝西通志後魏置漠西縣隋改上宜唐又更上宜曰好時在今乾州西北

按隋之上宜唐宋之好時皆後魏漠西縣地當時疆域兼跨乾永兩界是以至今里鎮猶襲舊名非所謂不虞君之涉也並志於此以備參稽

第宅

新平公主第

陝西通志卷二十一

五

方輿紀要在永壽縣北十里大峪河上唐元宗女下嫁姜慶初賜第於此因名公主川慶初故秘書監皎之子也

明韓桐讀書洞

陝西通志永壽縣陵關有韓桐讀書洞

附永壽十四景曰南嶺朝雲曰西山夕照曰東岑聳翠

曰北泉流瀉曰梁聲夜響曰塔影晝圓曰四圍嵐色曰

雨澗暮煙曰柏壑垂蔭曰翰墨泉香曰橋門曠覽曰道

院奇葩曰碧峰遺袖曰浮圖燕集

寺廟

玉皇閣

張志在縣東門外明知縣侯命建

關帝廟

張志一在縣東六十里常寧鎮一在永康里淡村

按宸垣識略載關帝廟頗詳其最勝者曰翊天曰

護國曰萬壽莫不經者曰姚彬曰五虎而宣武街西

之雙關帝廟一祠兩像尤為奇絕然祇云在某門某

街某年建立以存舊迹而已獨於地安門之關帝廟

則歷舉帝之明威顯績美謚徽稱三代之封二仲之

祭無少遺焉者以斯為

國朝鉅典之所在也永壽小邑帝廟有三今著其一於祀

典而列其二於古跡實做識略之例云

永壽縣志卷之二

六

文昌閣

張志閣久廢前令李如瑾立像於南城并新其閣今又廢

縣冊乾隆五十八年知縣蔣基改建於縣南關

東嶽廟

張志在縣東六十里常寧鎮

老君廟

張志在東嶽廟側

元帝廟

張志一在縣北門內一在好時鎮

烈山神廟

雍勝略烈山祠在永壽縣東南三里烈山上

石牛神廟

張志在縣西十里石牛山

婁敬廟

張志在縣西南八十里明月山

陸賈廟

張志在縣南五十里今廢

孫真人祠

俗名藥王廟

張志一在南堡山頭一在蒿店鎮一在監軍鎮今一在城內

武陵寺

俗名南寺

舊志在縣西南武陵山白茂才考實云碧峰禪師至金

陵明太祖賜袈裟今尙存寺中又云此寺最古北魏元

永壽縣新志卷二

七

熙建

雲寂寺

縣冊在縣西三十里杜家磴

舊志碧峰禪師出身之地

明一統志在縣西北五十里

天堂寺

通志疆域圖在縣北十里天堂山今廢

崇恩寺

縣冊在縣南七十里好時河

舊志寺中有古柏三株

觀音堂

通志疆域圖在石牛山之東沐浴河之西

舊志一在內城門內一在堅固莊菩薩坐下有泉天旱

祈禱極應寺中竹木蕭疎境頗幽寂

龍泉寺

縣冊在縣東南四十五里谷屯村

寶覺寺

縣冊在縣北四十里永壽坊

漆泉寺

縣冊在縣東七十里饒豆村

聖壽寺

縣冊在縣南九十里店頭鎮

永壽縣新志卷二

妙覺寺

縣冊在縣東三十里渡馬河

常寧寺

縣冊在縣東六十里常寧鎮

平陽寺

縣冊在縣西二十里平窰村

香山寺

縣冊在縣南四十里監軍莊

雲壽寺

縣冊在縣北五十里車村溝

寶峰院

縣冊在縣北六十里洛安村

清寧觀

縣冊在縣北五里三清殿

清宣觀

縣冊在縣西三十里樊家坪

真如院

張志未載

縣冊在縣南三十里甘井村

雲壽院

久廢不知處所

陵墓

宇文陵

陝西資政錄舊好時里東有宇文陵今蕩無遺址

永壽縣新志卷二

九

按宇文係後周國姓長安志云後周文帝陵在富平

宇文陵在好畤康一十五里然但稱宇文已不知為

有周何帝陵矣

陸賈墓

舊志在縣西南五十里

通志疆域圖永壽縣陸賈墓在錦川河之東

按明一統志云陸賈墓在乾州城東北一十八里非

是

婁敬墓

廣異記漢建侯婁敬晚年屏跡山林駐顏鉛汞丹成尸

解今明月山有石匣藏其蛇骨

〔西安府志〕婁敬墓在鄠縣婁村而咸陽志云敬墓在縣東北三十里隴州志云敬墓在州西四十里俱無所據又永壽縣志云敬晚歲投閒好時將卒召里人爲立祠今祠案石匣是其遺骸然班馬地近時同史傳尙且缺如永志之說亦難盡信

長孫無忌墓

〔舊志〕在車村里永壽坊

按新舊唐書皆云初無忌自作墓昭陵塋中其後謫死黔州至上元元年始追復官爵許還葬而昭陵圖有長孫璿長孫敞并無忌墓而三昭陵志云無忌墓文俱失徒存無字碑陝西通志云趙公墓文在劉洞西村不審何緣卜葬車村也宋次道嘗云大抵古人陵墓圖志雖載其處然亦不敢必其所指是亦知之之一道也斯言得之矣

安金藏墓

〔舊志〕在安家營

縣圖墓近五峰山有豐碑古木

七女墓

〔舊志〕在縣東南永康里土崗上有七冢不知何時入

二女冢

陝西資政錄在永壽縣東南五十里五峰山下或傳爲

邑田氏三貞之墓

縣冊一在縣城南門張志漏澤園在南門外一在臨軍
鎮香山寺東南



永壽縣新志卷一

十一

永壽縣新志卷二終

